

tissimum, eo quod in Capite sensus omnes vitæque integritas existat, quæ in membris aliis non reperitur. Et proinde si non nisi aliud aliquod membrum egressum sit, possit quidem urgente periculo infans baptizari, sed si postea totus plene editus fuerit, sitque periculum, ne, antequam Sacerdotis copia haberi possit, moriatur, sub conditione à se baptizari possit hoc modo : Wenn du nicht getauft bist, so taufe ich dich im Namen des Vaters und des Sohnes und des heiligen Geistes.

9. Ut parentes, quorum proles ipsis obstetricantibus natæ sunt, admoneant, ut eas quamprimum baptizari curent, istud negligentes Pastori denuncient.
10. Ut sicubi difficiliiores sint partus, timorate agant, & peritiores una secum assumant.

### SEPTEM PSALMI POENITENTIALES CUM ORATIONIBUS.

*Qui etiam, dum quis inungendus est, vel in via, vel in templo, vel saltem quartus & sextus coram infirmo juxta exigentiam temporis & infirmi conditionem recitari pro libitu possunt.*

*Antiph.* Sana Domine infirmum istum, cujus ossa turbata sunt, & cujus anima turbata est valdè, sed tu Domine convertere; & Sana eum, & eripe animam ejus.

#### *Psalm. 6.*

**D**omine ne in furore tuo arguas me: neque in ira tua corripas me. \* Miserere mei Dne, quoniam infirmus sum: sana me Domine, quoniam conturbata sunt ossa mea. \* Et anima mea

turbata est valdè : sed tu Domine usquequo?  
 \* Convertere Domine, & eripe animam meam:  
 saluum me fac propter misericordiam tuam.\*  
 Quoniam non est in morte, qui memor sit tui:  
 in inferno autem, quis confitebitur tibi? \* Labo-  
 ravi in gemitu meo, lavabo per singulas noctes  
 lectum meum : lacrymis meis stratum meum ri-  
 gabo. \* Turbatus est à furore oculus meus: inve-  
 teravi inter omnes inimicos meos. \* Discedite à  
 me omnes, qui operamini iniquitatem: quoniam  
 exaudivit Dominus vocem fletûs mei. \* Exau-  
 divit Dominus deprecationem meam: Dominus  
 orationem meam suscepit. \* Erubescant & con-  
 turbentur vehementer omnes inimici mei: con-  
 vertantur & erubescant valdè velociter.

Gloria Patri & Filio, &c.

Sana Domine, *ut supra pag. 72.*

*Oremus* Dominum nostrum Jesum Christum,  
 & cum omni intentâ supplicatione rogemus, ut  
 hunc famulum suum N. per Angelum suum  
 sanctum visitare, & lætificare & confortare dig-  
 netur, qui cum Patre & Spiritu sancto vivit &  
 regnat Deus, per omnia sæcula sæculorum Amen.

*Antiph.* Sana Domine infirmum *ut sup. pag. 72.*

*Psalm. 31.*

**B**eati quorum remissæ sunt iniquitates: & quo-  
 rum recta sunt peccata. \* Beatus vir, cui non  
 imputavit Dominus peccatum: nec est in spiritu  
 ejus dolus. \* Quoniam tacui, inveteraverunt  
 ossa mea: dum clamarem totâ die. \* Quoniam  
 die ac nocte gravata est super me manus tua:  
 conversus sum in ærumna mea, dum configitur

spina. \* Delictum meum cognitum tibi feci : & iniquitatem meam non abscondi. \* Dixi, confitebor adversum me iniquitatem meam Domino : & tu remisisti impietatem peccati mei. \* Pro hac orabit ad te omnis Sanctus : in tempore opportuno. \* Veruntamen in diluvio aquarum multarum : ad eum non approximabunt. \* Tu es refugium meum à tribulatione, quæ circumdedit me : exultatio mea erue me à circumdantibus me. \* Intellectum tibi dabo , & instruam te in via hac, quâ gradieris : firmabo super te oculos meos. \* Nolite fieri, sicut equus & mulus : quibus non est intellectus. \* In carno & freno maxillas eorum constringe : qui non approximant ad te. \* Multa flagella peccatoris : sperantem autem in Domino misericordia circumdabit. \* Lætamini in Domino , & exultate iusti : & gloriamini omnes recti corde. Gloria Patri, &c.

Sana Domine. *ut sup. pag. 72.*

*Antiph.* Dominus locutus est discipulis suis : In nomine meo dæmonia ejicite, & super infirmos manus vestras imponite, & benè habebunt.

*Oremus.* Respice Domine famulum tuum infirmitate sui corporis laborantem, & animam refove, quam creasti, ut castigationibus emendatus continuò se sentiat tuâ medicinâ sanatum. Per Christum Dominum nostrum. Amen.

Sana Domine. *ut sup. pag. 72.*

*Psalm. 37.*

**D**omine, ne in furore tuo arguas me : neque in ira tua corripas me. \* Quoniam sagittæ tuæ infixæ sunt mihi : & confirmasti super me manum

num tuam. \* Non est sanitas in carne mea à facie iræ tuæ : non est pax ossibus meis ; à facie peccatorum meorum. \* Quoniam iniquitates meæ supergressæ sunt caput meum : & sicut onus grave gravatæ sunt super me. \* Putruerunt, & corruptæ sunt cicatrices meæ : à facie insipientiæ meæ. \* Miser factus sum, & curvatus sum usque in finem : tota die contristatus ingrediebar. \* Quoniam lumbi mei impleti sunt illusionibus : & non est sanitas in carne mea. \* Afflictus sum, & humiliatus sum nimis : rugiebam à gemitu cordis mei. \* Dne ante te omne desiderium meum : & gemitus meus à te non est absconditus. \* Cor meum conturbatum est, dereliquit me virtus mea : & lumen oculorum meorum, & ipsum non est mecum. \* Amici mei, & proximi mei : adversum me appropinquaverunt, & steterunt. \* Et qui juxta me erant, de longè steterunt : & vim faciebant, qui quærebant animam meam. \* Et qui inquirebant mala mihi, locuti sunt vanitates : & dolos tota die meditabantur. \* Ego autem tanquam surdus non audiebam : & sicut mutus non aperiens os suum. \* Et factus sum sicut homo non audiens : & non habens in ore suo redargutiones. \* Quoniam in te Domine speravi : tu exaudies me Domine Deus meus. \* Quia dixi, nequando supergaudeant mihi inimici mei : & dum commoventur pedes mei, super me magna locuti sunt. \* Quoniam ego in flagella paratus sum : & dolor meus in conspectu meo semper. \* Quoniam iniquitatem meam annuntiabo : & cogitabo pro peccato meo. \* Inimici autem mei vivunt, & confirmati sunt super me : &

mul-

multiplicati sunt, qui oderunt me iniquè. \* Qui retribuunt mala pro bonis, detrahebant mihi: quoniam sequebar bonitatem \* Ne derelinquas me Domine Deus meus: ne discesseris à me. \* Intende in adiutorium meum: Domine Deus salutis meæ. Gloria Patri, &c.

Sana Domine, ut supra pag. 72.

*Oremus.* Præveniat hunc famulum tuum, quæsumus Domine, misericordia tua, ut omnes iniquitates ejus celeri indulgentia deleantur. Per Christum Dominum nostrum. Amen.

Sana Domine, ut sup. pag. 72.

*Psalm. 50.*

**M**iserere mei Deus: secundùm magnam misericordiam tuam. \* Et secundùm multitudinem miserationum tuarum: dele iniquitatem meam. \* Amplius lava me ab iniquitate mea: & à peccato meo munda me. \* Quoniam iniquitatem meam ego cognosco: & peccatum meum contra me est semper. \* Tibi soli peccavi, & malum coram te feci: ut justificeris in sermonibus tuis, & vincas, cùm judicaris. \* Ecce enim in iniquitatibus conceptus sum: & in peccatis concepit me Mater mea. \* Ecce enim veritatem dilexisti: incerta & occulta sapientiæ tuæ manifestasti mihi. \* Asperges me Hyssopo, & mundabor: lavabis me, & super nivem dealbabor. \* Auditui meo dabis gaudium & lætitiã: & exultabunt ossa humiliata. \* Averte faciem tuam à peccatis meis: & omnes iniquitates meas dele. \* Cor mundum crea in me Deus: & Spiritum rectum innova in visceribus meis. \* Ne projicias

cias me à facie tua : & Spiritum sanctum tuum ne auferas à me. \* Redde mihi lætitiã salutaris tui : & Spiritu principali confirma me. \* Docebo iniquos vias tuas : & impii ad te convertentur. \* Libera me de sanguinibus Deus, Deus salutis meæ : & exaltabit lingua mea justitiã tuam. \* Domine labia mea aperies : & os meum annuntiabit laudem tuam. \* Quoniam si voluisses Sacrificium dedissem utique : holocaustis non delectaberis. \* Sacrificium Deo spiritus contribulatus : cor contritum & humiliatum Deus non despicias. \* Benigne fac Dne in bona voluntate tua Sion : ut ædificentur muri Hierusalem. \* Tunc acceptabis sacrificium justitiæ, oblationes, & holocausta : tunc imponent super altare tuum vitulos. Gloria, &c.

Sana Domine. *ut supra pag. 72.*

*Oremus.* Omnipotens sempiterne Deus, qui subvenis in periculis, & in necessitatibus laborantibus, Majestatem tuam supplices exoramus, ut mittere digneris sanctum Angelum tuum ad famulum tuum N. in angustiis, & necessitatibus suis laborantem, qui consolationibus suis eum attollat, quibus & de præsentibus malis omnibus consequatur auxilium, & æterna remedia comprehendat. Per Christum Dominum nostrum. Amen.

Sana Domine. *ut sup. pag. 72.*

*Psalm. 101.*

**D**omine exaudi orationem meam : & clamor meus ad te veniat. \* Non avertas faciem tuam à me : in quacunque die tribulor, inclina ad me aurem tuam. \* In quacunque die invocavero te : velociter exaudi me. \* Quia defecerunt sicut

fu-

fumus dies mei: & ossa mea sicut cremium aruerunt. \* Percussus sum ut fœnum, & aruit cor meum: quia oblitus sum comedere panem meum. \* A voce gemitus mei: adhæsit os meum carni meæ. \* Similis factus sum pellicano solitudinis: factus sum sicut nycticorax in domicilio. \* Vigilavi: & factus sum sicut passer solitarius in tecto. \* Tota die exprobrabant mihi inimici mei: & qui laudabant me, adversum me jurabant. \* Quia cinerem tanquam panem manducabam: & potum meum cum fletu miscebam. \* A facie iræ & indignationis tuæ: quia elevans allisisti me. \* Dies mei sicut umbra declinaverunt: & ego sicut fœnum arui. \* Tu autem Domine in æternum permanes: & memoriale tuum in generationem & generationem. \* Tu exurgens misereberis Sion: quia tempus miserendi ejus, quia venit tempus. \* Quoniam placuerunt servis tuis lapides ejus: & terræ ejus miserebuntur. \* Et timebunt gentes nomen tuum Dne: & omnes Reges terræ gloriam tuam. \* Quia ædificavit Dominus Sion: & videbitur in gloria sua. \* Respexit in orationem humilium: & non sprevit preces eorum. \* Scribantur hæc in generatione alterâ: & populus, qui creabitur, laudabit Dominum. \* Quia prospexit de excelso Sancto suo: Dominus de cælo in terram aspexit. \* Ut audiret gemitus compeditorum: ut solveret filios interemptorum. \* Ut annuncient in Sion nomen Domini: & laudem ejus in Hierusalem. \* In conveniendo populos in unum: & Reges, ut serviant Domino. \* Respondit ei in via virtutis suæ: paucitatem dierum meorum nuntia mihi. \* Ne revoces me in dimidio die.

dierum meorum; in generationem & generationem anni tui. \* Initio tu Domine terram fundasti: & opera manuum tuarum sunt cœli. \* Ipsi peribunt, tu autem permanes: & omnes sicut vestimentum veterascent. \* Et sicut opertorium mutabis eos, & mutabuntur: tu autem idem ipse es, & anni tui non deficient. \* Filii servorum tuorum habitabunt: & semen eorum in seculum dirigeretur. Gloria Patri, &c.

Sana Domine. *ut supra pag. 72.*

*Oremus.* Deus, qui humano generi salutis remedia, & vitæ æternæ munera contulisti, conserva huic famulo tuo tuarum dona virtutum, & concede, ut misericordiam tuam non solum in corpore, sed & in anima sentiat. Per Xrum &c.

Sana Domine. *ut sup. pag. 72.*

*Psalm. 129.*

**D**e profundis clamavi ad te, Domine: Domine exaudi vocem meam. \* Fiant aures tuæ intendentes: in vocem deprecationis meæ. \* Si iniquitates observaveris Domine: Domine quis sustinebit? \* Quia apud te propitiatio est: & propter legem tuam sustinui te Domine. \* Sustinuit anima mea in verbo ejus: speravit anima mea in Dno. \* A custodia matutina usque ad noctem: speret Israël in Domino. \* Quia apud Dominum misericordia: & copiosa apud eum redemptio. \* Et ipse redimet Israël: ex omnibus iniquitatibus ejus. Gloria Patri, &c.

Sana Domine. *ut sup. pag. 72.*

*Oremus.* Deus, qui facturæ tuæ pio semper dominaris affectu, inclina aurem tuam supplicationi-



tionibus nostris, & famulum tuum diversa imbecillitate corporis laborantem placatus respice & visita, atque defende in salutari tuo, & ei cœlestis gratiæ præsta medicinam. Per Christum Dominum nostrum. Amen.

Sana Domine. *ut supra pag. 72.*

*Psalm. 142.*

**D**omine exaudi orationem meam, auribus percipe obsecrationem meam in veritate tua: exaudi me in tua justitia. \* Et non intres in iudicium cum servo tuo: quia non justificabitur in conspectu tuo omnis vivens. \* Quia persecutus est inimicus animam meam, humiliavit in terra vitam meam. \* Collocavit me in obscuris sicut mortuos sæculi: & auxiliatus est super me spiritus meus, in me turbatum est cor meum. \* Memor fui dierum antiquorum, meditatus sum in omnibus operibus tuis: in factis manuum tuarum meditabar. \* Expandi manus meas ad te: anima mea sicut terra sine aqua tibi. \* Velociter exaudi me Domine: defecit spiritus meus. \* Non avertas faciem tuam à me: & similis ero descendentibus in lacum. \* Auditam fac mihi manè misericordiam tuam: quia in te speravi. \* Notam fac mihi viam, in qua ambulem: quia ad te levavi animam meam. \* Eripe me de inimicis meis Domine, ad te confugi: doce me facere voluntatem tuam, quia Deus meus es tu. \* Spiritus tuus bonus deducet me in terram rectam: propter nomen tuum Domine, vivificabis me in aequitate tua. \* Educes de tribulatione animam meam: & in misericordia tua disperdes inimicos meos. \* Et perdes omnes, qui tribulant animam meam: quoniam ego servus tuus sum.

Gloria Patri & Filio, &c.

Sana Domine. infirmum istum, *ut supra pag. 72.*

*Oremus.*

**V**irtutum cœlestium Deus, qui ab humanis corporibus omnem languorem, & infirmitatem præcepti tui potestate depellis, adesto propitius famulo tuo, ut fugatis infirmitatibus & viribus revocatis, per nomen sanctum tuum instauratam protinus sanitatem percipiat. Per Christum Dominum nostrum. Amen.

Instructio